


elo

e rave
ti. Te
atou te
oraraa.
ahea ia
ru noa

uru ra-
ai nei i
nau fa-
aa maa
vai atoa
e faaea-
mea na
toi i ro-
nei, na
oohia i
mai ia
aiesia e
nuna,



Te Avae Novema 1954

TE HEHEURAA API

To Te Taata Tahito Ra Oraraa Roa

Uiraa 1. Ua ravai anei te ite o te mau Patereareha tahito ra ia hamani i te Kalena, oia hoi, te tai'o ava'e?

Pahonora Oia mau. No ô mai i te Atua to ratou ite. Na te mau papairaa a Aberahama i faaite mai e, na farii "te mau metua" i te mau heheuraa no nia i te tiaraa o te tahi fetii i to te tahi. (Aberahama 1:31). Te faaite maramarama mai nei o Aberahama i te hoê orama ta'na i farii na roto mai i te Urima e te Tumima mai tei fariihia e to tahito ra. Ua faaitehia'tura ia Aberahama "te taima i faataahia no te ao ta'na e tia ra, e te taima i faataahia no te tiarama rahi o te haapao i te ao, e te taima i faataahia no te tiarama nainai o te haapao i te rui." (Aberahama 3:6) Ua ite ratou i te tai'o mahana e tia'i: e nehenehe ia tuatapapa i te mau ohipa i ravehia, e ia faatere i te ohipa a te Fatu mai te afaro.

Aita rea te mau parau i roto i te Bibilia tei tamata i te faaroo o te mau taata ia faaroohia ra mai ta te Bibilia faaiteraa i te roa o te oraraa o te feia tahito ra. Oia hoi, e iva Patereareha mai ia Adamu e tae roa'tu ia Noa ra (eiaha e tai'o ia Enoha, no te mea ua tahitihia oia). E te faatuearaa-hia o to ratou pue mahana i nia i te ao nei, e 912 matahiti ia.

Uiraa 2. Ua haapapu mai anei te Atua i te roa o te oraraa o te mau Patereareha tahito ra i roto i te hoê o Ta'na ra mau heheuraa api?

Pahonora Oia mau ia. Ua faataa te Atua i na tau e hitu no teie nei ao. E hoê tauatini matahiti i te tau hoê. (BukaFafan 77:6-7; 88:108-110) Na teie na heheuraa api i haapapu maira e, na tano ihoa te tuatapaparaa matahiti i roto i te Bibilia.

Uiraa

Pahonora

E T

Noa

Sema

Arapha

Sala

Abera

Peleqa

Reu

Seruga

Nahora

Tera

Aberah

Matah

iti

hou

lesu

Matah

iti

imairi

to

Aberah

Uiraa 4. Te na ô mai nei te parau i papaihia ra. “E ua rahi roa’tura te mau tamarii a te taata i nia i te fenua e ati noa’e”. Eaha? Ua tano anei teie maa parau iti no te taatoaraa o te fenua i te tau no Enosa? E aore râ, no te hoê noa iho mataeinaa tana parau nei. Oia hoi te hoê tufaa fenua i haaparahihia ratou ra?

Pahonoraa E tia ia tatou ia feruri e, tei te mau tufaa fenua atoa te taata i te reira taime. Oia ia. Ua tano taua parau i nia i te taatoaraa o te fenua ra.

Uiraa 5. Ua tia anei i na taata toopiti o (Adamu raua o Eva) e to raua huaai; ia fanau e ia faaî i te ao nei i roto i te taime huru poto mai to Adamu hamairaahia e tae noa’tu i te tau no Enosa? E mahere paha ia e 700 matahiti.

Pahonoraa E. Ua tia i na taata toopiti e to raua huaai ia faaî i te fenua i roto i taua area ra. No te mea e mea roa te taime e fanau ai te feia tahito. Ua hau atu ia i te pae hanere matahiti. (Genese 32) No reira, mai te mea ua fanau o Adamu e to’na ra huaai e hia ahuru tamarii tatahi piti o tei oratu i te mau ati o te ao nei. E riro ia 6 bilioni taata i nia i te ao nei i te ono hanere e pae ahururua o te matahiti. E mea papu ua purara oioi atura ratou i te mau vahi atoa o te fenua ra, mai te ini atu i te maa.

Uiraa 6. Eaha te hoho’a o te fenua nei hou te tiluvi? E miti Patitifa anei i te reira tau? E teihea rana fenua ra i teie nei â mahana?

Pahon

Te

atura o
parau a
“A tu
mai Ia
ia rator
ratou n

na ve’
taora a
nei ei c
mau ta
rao i to
atoa iho

Pahonoraa Hoê noa iho fenua i te matamua ra. E miti i te pae apatoeran e i te pae apatoa, e e miti hoi i te hitia o te râ o te ô Edene. (Hoê â vahi paha no te miti Atlantic i teie nei). Mai te au i te parau mo'a, ua topa e aore râ ua taa-ê te fenua na ropu e ua tahe te miti i roto i tana vahi ra i te tau o Pelege. No reira ia tae i te tau e tia'i te mau mea atoa nei, "e faane hoi Oia (Te Fatu) i te moana rahi e, e faahorohia te reira i roto i te mau fenua i apatoeran, e e faarirohia te mau fenua rii ra ei fenua hoê, e e faahoihia te fenua no Iernsalema e te fenua no Ziona i to raua ra vairaa mau". (B.F. 133:12-23) Oia hoi aita e miti Patitifa i mua'tura.

Te Faautu'a-raa-hia Te Fenua Aiphihi

Mai te au i te mau faaueraa a te Fatu, ua ho'i faahou atura o Mose e Aarona e farerei i te arii ra o Pharao, e ua parau atura i te parau o ta te Fatu i parau mai, oia hoi, "A tuu atu oe i to'u nei nunaa, ia tia ia ratou ia haamori mai Ia'u nei." Ua patoi faahou ihora o Pharao i te tuu atu ia ratou ia haere atu. Inaha, ua puai roa to'na nounou ia ratou no te raveraa i te mau ohipa i haamana'ohia e ana ra.

E no te faaite manraa i teie nei arii e, ua riro rana ei na ve'a a te Fatu, ua rave ihora o Aarona i ta'na raau e na taora atura i nia i repo fenua. Riro atura tana raau nana nei ei ofi mai te au i to'na na reiraraa i mua i te aro no te mau tahu'a rahi o Iseraela. I reira ihoa ua titau ihora Pharao i to'na mau tahu'a rarahi (Taata tabutahu). Ua taora atoa ihora teie nei mau tahu'a i ta ratou iho mau raau e inaha

ua riro atoa maira ei ofi. Area râ, ua pau roa ihora tana mau ophi nei i te horomihia e te ophi no roto mai i te raau a Aarona.

I muri mai i te reira, ua parau maira te Fatu ia Mose e Aarona, E faatae mai Au i te mau ati e rave rahi i nia i te fenua Aiphiti. E i muri mai i tana mau taime ra a tupu ai tana mau ati ra, e mea titaubhia raua ia ho'i atu e farerei i te arii ra o Pharao e ia ani atu ia'na ia tuu atu i te mau tamarii o Iseraela i roto i te tere i haamana'ohia no ratou ra.

I te faautu'araa matamua, ua tairi maira te Fatu i te fenua Aiphiti na roto i te faariroraa i te mau pape ei toto. E tae noa'tu i te pape rahi o te anavai ra o Nile, te anavai i haamo'ahia e te nunaa rahi o Pharao ua riro atoa maira te reira ei anavai toto. Ua ho'i faahou atura o Mose e Aarona e farerei i tana arii ra e ua ui faahou atura i tana uiraa na raua ra, area râ, aita roa'tu o Pharao i farii.

Ua tairi faahou mai te Fatu i tana fenua nei na roto i te tuuraa mai i te mau rana e rave rahi. Ua tae roa teie nei mau animara iti i roto i te mau ro'i e oia atoa hoi i te mau maa e amuhia ra e te nunaa rahi i tiabapa i te fenua Aiphiti noa'tura i te reira, te vai etaeta noa ra â te aau o Pharao.

I muri mai i te reira, ua tairi faahou maira te Fatu i te fenua Aiphiti na roto i te tuuraa mai i te mau utu'a e rave rahi i nia i te nunaa o Pharao. Ua tuu maira te Fatu i te hoê tiaa rahi popoti, o tei tae roa na roto i te mau fare o te mau ati Aiphiti.

Ia oti a'era te reira ua faatae maira te Fatu i te pae-raa o Ta'na ra utu'a i nia i te fenua Aiphiti mai te tuu mai i te hoê mau manumanu taero. E ua i roa te fenua Aiphiti i tana huru manumanu ra, e ua haamata ihora hoi tana mau manumanu nei i te faatupu i te vetahi mau ma'i i nia i te mau animara o tei pohe roa i roto i te hoê taime poto. Area i tana mau taime ra, te paruru noa'ra te Fatu i To'na mau nunaa faaroo i te mau ati e rave rahi.

nia i te
mai i t
titiraa'
i nia i
ihora te
tupu-at
Aiphiti
to'na a
Iserael

tuu ma
paari-to
Aiphiti
maitai
puaa at
raau rii
fenua n
na poir
no tana
ti ia tu
ra, aor

hoi, ua
amu i t
mau m
o Phara
to Aiph
to'na a
mau ma
o Isera

Ua oti a'enei na ati e pae o ta te Fatu i faatae mai i nia i te ati Aiphiti e inaha, ua faaineine ihora Oia i te tuu mai i te onoraa o taua mau ati ra; oia hoi, na roto i to Mose titiraa'tu i te rehu auahi i nia i te ra'i, ua riro atura ei fefe i nia i te taata, e i nia atoa i te mau animara. Tamata ihora te mau tahutahu i te faaora i taua ma'i ra, area râ, na tupu-atoa-hia ihora ratou i te ma'i fefe e tae noa'tu hoi i to Aiphiti e ati noa'e. Noa'tu râ, ua faaetaeta noa o Pharao i to'na aau, e aore roa ia oia i tuu noa mai i te mau taata o Iseraela.

Ei reira, ua tae maira te hitu o te utu'a ta te Atua i tuu mai i to Aiphiti, oia hoi, ua haam'airi mai Oia i te ûa-paari-teiaha-roa o tei haamou i te mau maa tupu atoa a to Aiphiti, area te mau maa tupu a te ati Iseraela ra te vai maitai noa ra ia. Ua pau ihora to rapae au, te taata e te puua atoa hoi, i taua pape paari ra. Pohe ihora te mau raau rii o te fenua nei, e te mau raau rarahi atoa hoi o te fenua nei na parari roa ia i taua ûa-paari ra.

Ei muri ihora, ua tae maira te vanu o te ati, oia hoi, na poiri taotao ihora te fenua e toru mahana i te maoro, e no taua poiri ra, aore atura e nehenehe faahou i te ati Aiphiti ia tutui i te hoê auahi. Area te mau tamarii o Iseraela ra, aore ia e poiri i rotopu ia ratou.

Ei reira, na faatae maira te Fatu i te iva o te ati, oia hoi, na tuu maira Oia i te mau manu aamu e rave rahi o tei amu i te mau raau rii atoa o te fenua nei e tae roa'tu i te mau mea i toe i te ûa-paari. Area râ, na vai etaeta noa te aau o Pharao e aita hoi i tuu noa'tu i te mau tamarii o Iseraela.

E o teie ia te hôpea o te utu'a ta te Atua i tuu mai i to Aiphiti e o tei hau atu i te ino, no to Pharao etaeta, e to'na atoa hoi faaroo ore, oia hoi, o te taparahiraa ia i te mau matahiapo no te fenua Aiphiti, area te mau matahiapo o Iseraela ra, e faaorahia ia ratou na roto i to ratou faaroo

rahi, e ua faauehia ratou ia taparahi i te hoê arenio maitai e te poria hoi e tia'i, e ua parau atura te Fatu ia ratou ia tairi i te toto o tana arenio ra i nia i te mau pou opani o to ratou ra mau fare ei tapao faaite i to ratou haapao-maitai-raa, e ia haere atu te Atua i te fenua Aiphiti, e ia ite atu Oia i taua mau tapao faaite ra, e faaora ia Oia ia ratou, e ua faaue atoa'tura ia tunu i taua mau arenio ra e ia amu pauroa hoi, e ia amu atoa i te faraoa-faahopue-ore-hia, oia hoi, e faraoa paari, e te fifi roa hoi ia amu.

Ei reira, ua haapao ihora te mau tamarii o Iseraela i taua mau faaueraa ra a te Fatu. Ua taparahi ihora i te mau arenio, tairi atura i te toto i nia i te mau pou opani o to ratou ra mau fare, e ua tunu atura i taua mau arenio ra, e ua faaineine atura i te tamaaraa e ua tamaa ana'e atura. E ua riro tana tamaaraa ei oro'a pasa, e mai reira mai, ua riro atoa hoi taua mahana ra ei mahana haamana'oraa no te ati Iseraela, i te mea e, aita te Fatu i haamou i to ratou ra mau matahiapo.

E i taua po ra na muri a'e i te tamaaraa, taotooto atura te mau ati Iseraela. Ei reira ihoa, tono maira te Atua i te hoê melahi i te fenua Aiphiti, e aita roa'tu oia i haere noa'tu i rotopu i te mau utuafare o te mau tamarii o Iseraela o tei haapao maitai i Ta'ua ra mau faaueraa. Tera ra, ua haere atu oia i taua rui ra i rotopu i te mau utuafare no te ati Aiphiti, e ua haapohe ihora i te mau matahiapo o taua mau utuafare ra, te taata, e tae noa'tu i te mau animara atoa o te fenua ra.

E i te araraa mai o Pharao e to'na atoa ra mau tavinii, ite atura ratou i to ratou mau matahiapo i te poheraa, e aue rahi tei tupu i te fenua Aiphiti e ati noa'e, e o tei ore â i itehia.

romai,
ihoa p
aratai
mori i
a rave
nānā a
outou i

iriti-ê-b
tîûraa
Aarona
ia rato

Te

haere n
o taua
tou i te
nei, e c
hope re

haere o
e faaite
E te tap

outou i
haere m
sia, e e

Aita e nehenehe faahou i te arii ra o Pharao ia faaoromai, ua faane atura oia ia tiihia'tu o Mose e Aarona i taua ihoa po ia haere mai ia'ua ra, e ua parau atara: "A aratai atu i te mau tamarii o Iseraela, e a haere atu e haamori i to outou na Atua mai ta orua i parau noa mai ra. E a rave atoa'tu hoi i ta outou mau mamoe e ta outou mau nānā atoa hoi, e a haere atu i te mau vahi i hinaarohia e outou na no to outou faaearaa.

O teie ia te pure a Mose raua o Aarona, oia hoi, ia iriti-ê-hia'tu te mau tamarii no Iseraela mai roto atu i te tîrāa a to Aiphiti. Ei reira atoa hoi, ua oaoa ihora Mose e Aarona, e ua haamaunuru ihora i te Atua i To'na faaoraraa ia ratou ra.

Te Parau Faaara No Teie Nei Anotau Hopea Nei.

"E i te haereraa'tu Iesu i rapae au i te hiero ra, ua haere maira Ta'na mau pîpî, ua faaite maira Ia'na i te patu o tana hiero ra. Ua parau atura Iesu ia ratou, te ite nei outou i teie nei mau mea? Oia mau Ta'u e parau atu ia outou nei, e ore roa te hoê ofai e vaiihohia i nia iho i te tahi; e hope roa i te hurihia i raro."

"E te parahi ra oia i nia i te mou'a ra i Oliveta, ua haere omoe maira Ta'na mau pîpî Ia'na, e ua na ô maira, e faaite mai Oe ia matou i te tupuraa o taua mau mea nei? E te tapao o to oe taerāa mai e te hopea o teie nei ao?"

"Ua parau atura Iesu ia ratou, na ô atura, e ara i outou ia ore roa outou ia vare i te taata. E rave rahi hoi te haere mai ma To'u nei i'oa, i te na ôraa mai, o van te Mesia, e e rave rahi hoi te vare."

“E e faaroo outou i te parau tama'i e te aueue roo tama'i, e ara râ eiaha outou e mata'u; ia tupu hoi taua mau mea ra e tia'i; aita râ i fatata te hopea i reira. E tia mai hoi te tahi fenua e aro mai i te tahi fenua, e te tahi basileia e aro mai i te tahi basileia; e o'e hoi, e te ma'i e e aueueraa fenua i tera vahi e tera vahi, e matamehai ana'e râ teie nei mau mea no te pohe.”

“E pûpû hoi ratou ia outou no te pohe, e taparahi pohe roa ia outou, e e ririhia outou e te mau fenua atoa i To'u nei i'oa. E rave rahi te taiva i reira, e haavare hoi te tahi i te tahi, e riri hoi ratou ia ratou iho. E tupu hoi te peropheta haavare e rave rahi, e rave rahi te haavarehia e ratou. E no te mea e rahi te ino i te tupuraa, e riro te rahi o te taata i te iti i te hinaaro. Area, o te mau papu e tae noa'tu i te hopea ra, oia te ora.”

“E e parau-haere-hia te evanelia o te basileia nei e ati noa'e teie nei ao, ia ite te mau fenua atoa; o te hopea ihora i reira ra.”

“E teie nei, ia hi'o outou i te mea riarua e pau ai ra, i faaite-atea-hia mai e te peropheta ra e Daniela, i te tiaraa i te vahi mo'a ra, (e te tai'o ra a haapao!) E te feia e parahi Iudea ra, a horo ratou i te mou'a i reira; eiaha tei nia iho i te fare e pou i raro a rave ai i te tao'a i roto i to'na fare; eiaha hoi tei roto i te aua ra e hoi e rave i to'na ra ahui. A tae hoi te mau vahine hapû e te faaote i te tamarii i te reira anotan? E pure hoi ia ore to outou hororaa ia riro i te vero, e ia ore atoa i te Sabati: e ati rahi hoi tei te reira tau aita ia e ati mai te matamehai mai o teie nei ao, e tae roa a'enei i teie nei mahana, e e ore roa hoi a muri atu. Ahiri hoi e haamaorohia taua tau ra, aore roa ia e taata e ora; e haapotohia ra tana tau ra, no te feia maitihia ra.”

E ia parau mai te taata ia outou, inaha! teie te Mesia, e inaha, tera, eiaha e faaroo atu. E Mesia haavare hoi te tia mai i nia, e te peropheta haavare, e ua rave i te tapao e te Semeio rahi, e tae noa'tu te vare i te feia maitihia ra, ahiri i tia. Inaha, ua faaite atea'tu vau ia outou. E ia parau mai te taata ia outou e, inaha, oia tei te metebara, eiaha e haere; inaha, tei roto i te piha, eiaha e faaroo. E au hoi te haerea mai o te tamaiti a te taata nei i te uira e anapa i te hitia o te râ, e anaana noa'tura i te tooa o te râ ra. E te vairaa hoi o te tino ra e haaputuputu ai te mau aeto.

E i muri iho â i taua anotaupohē ra, e haapourihia te mahana, e ore hoi te marama e anaana mai, e mairi mai hoi te mau fetia o te ra'i, e e pan hoi te mana o te ra'i i te neuehia; ei reira e itea mai ai te tapao no te tamaiti a te taata i nia i te ra'i ra; ei reira te mau fetii atoa o te fenua nei e oto ai, ia hi'o ratou i te tamaiti a te taata i te haereraa mai na nia i te ata o te ra'i ra, ma te mana e te hanahana rahi. E Na'na e tono i ta'na ra mau melahi ma te pû oto rahi ra, e na ratou e haaputu i To'na feia i maitihia ra no na apoo mata'i e maha ra, mai te tahi pae ra'i e tae noa'tu i te tahi pae ra'i.

E teie nei, ia ite outou i te tahi parapole i te suke nei. Ia oteo te omou rii e mahora a'era te rau, ua ite ia outou e, ua fatata te anihune i reira; oia atoa i teie nei, ia hi'o outou i tana mau mea nei, ua fatata te Tamaiti a te taata i reira, ia ite hoi outou; tei te pae uputa ia. Oia mau Ta'u e parau atu ia outou nei, e ore e mou teie nei ui e hope ai teie nei mau mea atoa i te tupu. E mou te ra'i e te fenua; e ore roa râ Ta'u parau e mou.

Area te reira mahana e te reira hora e ore roa te hoê e ite, e ore hoi te mau melahi o te ra'i; maori râ o Ta'u

Metua ana'e ra. Mai tei te anotau ra ia Noa ra, oia atoa te haerea mai o te Tamaiti a te taata nei,. Mai tei te anotau i mua iho i te diluvi ra, te amu ra ratou i te maa e te inu ra, te faaipoipo ra e te horoa ra ia faaipoipohia, e tae roa a'era i te mahana i tomo ai Noa i roto i te pahi; aore roa i ite, e roohia noa ihora ratou e te diluvi, pau roa'tura ratou; oia atoa te haerea mai o te Tamaiti a te taata nei. Toopiti pue taata i roto i te aua ra, e riro te tahi, e ora'tu te tahi. Toopiti pue vahine i te tavoriraa i te mule; e riro te tahi, e ora'tu te tahi.

E teie nei, e ara, aore hoi outou i ite i te hora e tae mai ai to outou Fatu. Ua ite râ outou e, ahiri te taata fare i ite i te hora e tae mai ai te eia, e riro ia oia i te ara, e ore e vaiiho noa i to'na fare ia vavahi-noa-hia. E teie nei, ia parahi ineine noa outou; ei te hora mana'o-ore-hia e outou na e tae mai ai te Tamaiti a te taata nei. O vai hoi te tavinini haapao maitai e te paari, ta to'na ra fatu i faatavana i to'na utuafare ei hopoi atu i ta ratou maa i te hora mau ra? E ao tō te reira tavinini, to tei roohia mai e to'na fatu te na reira ra. Oia mau Ta'u e parau atu ia outou nei, e faariro oia ia'na ei tiaau i te mau tao'a na'na ra. Area te tavinini ino ra, o tei parau i roto i to'na iho aau, e maoro ta'u fatu e hoi mai ai; papai ihora i te mau taetaeae tavinini to'na ra, amu ihora i te maa, inu ihora i te ava, oia e te feia atoa i taero ra; ia tae i te mahana mana'o-ore-hia e ana ra, e te hora itea-ore-hia e ana e tae mai ai te fatu o taua tavinini ra, a faataa ê atu ai ia'na a tuu atu ai i ta'na tufaa i roto i te feia haavare atoa ra: tei reira te oto e te auauraa niho. (Mataio pene 24.)

Ua faaite-papu-hia mai te tuatapaparaa o teie mau mea, na mua i te faainoraa e te rave-ino-raa e tae i nia iho i te Ekalesia e te mau aposetoro, e i muri iho i te haamou-raa o Ierutalema e te obipa riāriā hoi o te mau tama'iraa, e

i muri
haava

atoa-h
Na mu
Iserae

iho i t
iho i t

hia e
mau m

nia iho
hoê tii
haaam

reira u
ia rato
tama'i
raa o t

parau t

mai ho
basileia

ati Iud
pu a'ei
e rave

i muri a'era, te hoê tau maoro roa, o te tau ia o te ohipa haavare e te taivaraa i te e'a afaro.

Ei reira e itehia te ohipa maere e te umere, e e ite-atoa-hia te tapao o te haerea mai te tamaiti a te taata nei. Na mua rii ihora i To'na taeraa mai e haaputuputubia to Iseraela i te man vahi i haapaohia no ratou ra.

Te vai nei e piti tufaa no teie tohu a Iesu, te hoê i nia iho i te man mea e tupu a ora ai tana ui ra, e te tahi i nia iho i te man mea e tupu a muri atu.

Teie nei ra e hi'opoa tatou i teie mau mea i parau-hia e Ana ra e, e imi tatou i te man mea i tupu a'enei, e te mau mea toe.

Ua tupu mau "te parau tama'i e te aueneraa tama'i."

Ua papaihia te hoê ture e Caligula, te tavana rahi i nia iho i te ati Iuda, o te parau mai e, ia faatia ratou i te hoê tii o Caligula iho i roto i to ratou iho hiero e tia'i, e ia haaamori hua mau â ratou i te reira e tia'i.

Ua patoi puai roa'tu te ati Iuda i te reira parau, no reira ua tuu mai te tavana rahi, o Caligula, i te parau tama'i ia ratou ra, e ua haamata ihora oia i te faaineine no taua tama'iraa ra, area 'râ, ua taparahihia oia na mua i te tupu-raa o te tama'i.

Ua tuu mai na tavana, o Nero raua Claudius, i te parau tama'i ia ratou ra.

Ua tupu hoi ta Iesu parau o tei na ô mai e, "E tia mai hoi te tahi fenua e aro mai i te tahi fenua, e te tahi basileia e aro mai i te tahi basileia."

Ua tae mai te ati Hereni e te ati Siria ia tama'i i te ati Iuda e ua taparahihia e 50.000 o te ati Iuda e ratou, tupu a'era te o'e i te oire Ierusalema e te fenua e ati noa'e e e rave rahi hoi tei pohe i taua o'e ra.

Tupu-pinepine-roa a'era te mau aueneraa fenna i roto i te mau nunaa o te haaati i te oire Ierusalema.

Ia tai'o tatou i te Buka "Ohipa" i roto i te bibilia, e ite tatou e, na tupu mau te faainoraa e te hamani-ino-raa hoi i nia iho i te mau aposetolo a Iesu.

Ua tuuhia te tahi pae i mua i te mau sunederi... Ohipa 4:1-6, e te tahi pae i mua i te mau arii... Ohipa 18:11-13, pene 24:taatoa, e te pene 25 taatoa.

Parau atura te tahi pae i te parau maramarama e te paari e aita atoa i tia to ratou mau enemi ia patoi mai ia ratou. Mai te huru i to Setephano parauraa... Ohipa 6:10, e i to Paulo... Ohipa 24:25.

Ua hurihia te tahi pae i roto i te mau fare tapearaa, mai Petero raua o Ioane... 4:3 papaihia te tahi pae mai Paulo raua o Sila... Ohipa 16:23.

Ua taparahihia te tahi pae o ratou... o Setephano te hoê... Ohipa 7:59 e o Iakobo te taene o Ioane Ohipa 12:2.

Ua tupu noa teie ohipa ino e tae noa'tu i te tau o Nero, ei reira mai te mea e, e parau te hoê taata, "O vau te hoê pīpī a Iesu", e aore rā, "O vau te hoê melo o Ta'na Ekalesia", e taparahihia oia.

Ua tupu mau te mau peropheta haavare i reira... Ohipa 8:9-13, Korinetia II... 11:12-13, Timoteo II... 2:16-18.

A'ohia'tura te evanelia i te mau feia atoa o te ao ra i reira... Kolosa 1:24.

Ua tupu mau te mea ri'ari'a i faaitohia mai e te peropheta e Daniela, oia hoi te mau mea i papaihia i te Ruka 21:24. Ua haapao te mau melo atoa o ta Iesu ekalesia, i Ta'na parau i reira.

Ia ratou i ite ai ia Ierusalema i te haaatiraahia e te mau enemi, na maue atu ratou atoa, e aita te hoê melo i taparahihia i reira.

Ua taparahihia e 1.100.000 taata i taua taime ra e ua vavahihia hoi te hiero, e mai te au i ta Iesu parau, aita te hoê ofai i vaiihohia i te tiaraa i nia iho i te tahi. Ua rave tîthia te mau feia e rave rahi, te tahi pae ua hoohia ei tîti e te tahi pae ua taparahihia e ua horoahia ei maa na te mau animala oviri e te taehae.

Na roto i taua tama'iraa ra ua faatiabha te hoê ana e ati noa'e i to ratou oire, no reira ua tupu mau te parau i papaihia i roto i te Luka 19:43.

Ua aratai te hoê peropheta haavare i te mau feia e rave rahi i roto i te tahi piha o taua hiero ra, a tama'i ai te mau nuu i rapae au. Ua parau atu oia ia ratou, a haere mai i ô nei, tei ô nei te Mesia. Te parahi ra ratou i roto i taua piha ra, i te taime te mau faehau Roma i tahu ai i te auahi i roto i te hiero. Ua paapaa te hiero e ua ama ratou atoa i taua auahi rahi ra. E ono tauatini te tai'oraa i te mau feia i tei pohe i roto i te hiero, o ratou ia tei vare i teie peropheta haavare.

Ua tupu mau teie mau mea i parauhia a'enei na mna i te monraa o taua ni ra.

Teie nei râ eaha te mau mea toe?

A hi'o tatou i te mau mea i papaihia i roto i teie tohuraa a Iesu e ite mau tatou e, aita e rahi te mau mea toe. Te haaputuputu nei te mau ati Iseraela i Ziona. Aita râ i taua te mau mea i papaihia i roto i te irava: 40; e te 41, e te vai noa ra te tahi mau mea.

Area râ mai te au i te parau i papaihia i te irava: 52.
"Aore tatou i ite i te hora e tae mai ai to tatou Fatu, na

reira e mea maitai roa ia faaineine tatou i te farereiraa la'na ra ia ore tatou ia riro mai te tavini ino i parauhia i roto i te irava hopea.

Eita roa'tu e tia ia tatou ia faaineine, ia tae mai Oia ra, ua mairi te hora i reira.

O teie ia te parau hopea a faaineine tatou ia ore atoa tatou ia riro mai na paretenia e toopae o tei ore i faaineine no te taeraa mai o te tane faaipoipo api ra. Ia ore atoa tatou ia riro mai te tavini ino ra, o tei faataa-ê-hia'tu e o tei tuu-hia'tu i te vahi auauraa niho e te oto rahi.

Papaiahia e Dean Whiting

No Riteti Evana te Hoho'a i Mua Nei.

O oia te ahuru ma hoê i roto i te pûpû Aposetelo, o te Ekalesia.

Ua fanauhia oia i Roto Miti i te matahiti 1906. Haere atura oia i te fare haapiiraa teitei i UTAH. Riro atura ei orometua poro Evanelia i te fenua Paratane, e ua rave oia i te ohipa neneiraa vea i taua fenua ra.

I to'na bo'iraa i UTAH, haamata'tura oia i te ohipa auaha parau no te fare radio K.S.L. i Roto Miti.

E roo maitai roa to'na i rotopu i te mau taata atoa i Amerita. E mea maru roa to'na reo, e te nehenehe o ta'na parau.

E auaha oia i te mau parau no te pupu himene o te fare menemene.

I te matahiti 1936, ua riro oia ei taata nenei vea no te Ekalesia, oia hoi, te "Improvement Era".

I te matahiti 1938 ua maitihia oia e hoê o te pupu Hitu Ahuru matamua o te Ekalesia.

I te avae Atopa, matahiti 1953 ua faatoroahia oia e Aposetolo.